

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ ԵՐԵՎԱՆ ՔԱՂԱՔԻ ԱՎԱԳԱՆԻ

«---» ----- 2025թ.

N-----Ա

ՈՐՈՇՈՒՄ ԳՈՒՅՔԸ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ԱՆՀԱՏՈՒՅՑ ՕՏԱՐԵԼՈՒ ՄԱՍԻՆ

Ղեկավարվելով Հայաստանի Հանրապետության քաղաքացիական օրենսգրքի 594-րդ հոդվածով, «Պետական ոչ առևտրային կազմակերպությունների մասին» օրենքի 4-րդ հոդվածի 1-ին մասով և հիմք ընդունելով Երևան քաղաքի ավագանու 2024 թվականի դեկտեմբերի 24-ի N 259-Ն որոշման հավելվածի 3-րդ կետը.

Երևան քաղաքի ավագանին որոշում է.

1. Երևան համայնքի սեփականություն համարվող գույքը, ընդհանուր՝ 21.974.565,20 (քսանմեկ միլիոն ինը հարյուր յոթանասունչորս հազար հինգ հարյուր վաթսունհինգ դրամ քսան լումա) ՀՀ դրամ հաշվեկշռային արժեքով, սեփականության իրավունքով անհատույց օտարել (նվիրել) Երևանի ենթակայության մարզադպրոցներին՝ համաձայն հավելվածի:

ԵՐԵՎԱՆԻ ՔԱՂԱՔԱՊԵՏ՝ ՏԻԳՐԱՆ ԱՎԻՆՅԱՆ

ՏԵՂԵԿԱՆՔ-ՀԻՄՆԱՎՈՐՈՒՄ
«ԳՈՒՅՔԸ ՍԵՓԱԿԱՆՈՒԹՅԱՆ ԻՐԱՎՈՒՆՔՈՎ ԱՆՀԱՏՈՒՅՑ
ՕՏԱՐԵԼՈՒ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ
ՆԱԽԱԳԾԻ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Որոշման ընդունումը պայմանավորված է Երևան համայնքի հաշվեկշռում առկա մարզագույքերը (թվով 1323 մարզագույք) Երևանի ենթակայությամբ գործող 30 մարզադպրոցներին սեփականության իրավունքով անհատույց օտարելու գործընթացը կազմակերպելու անհրաժեշտությամբ: Որոշման ընդունման արդյունքում համայնքապատկան մարզադպրոցները կհամալրվեն միջազգային չափորոշիչներին համապատասխան նոր մարզագույքերով, ինչը մեծապես կնպաստի Երևան քաղաքում սպորտի զարգացմանը, մանուկների և պատանիների արտադպրոցական կրթության և մարզադպրոցներում ֆիզիկական դաստիարակության շարունակական զարգացմանը, կարևոր դերակատարություն կունենա սպորտի ասպարեզում շնորհալի և օժտված երեխաների սպորտային ունակությունների բացահայտմանն ու զարգացմանը, ինչպես նաև կնպաստի սպորտային արդյունքների բարելավմանը:

Համայնքապատկան մարզադպրոցներին սեփականության իրավունքով անհատույց օտարվող գույքը ձեռք է բերվել Երևան քաղաքի 2025 թվականի բյուջեում նախատեսված ծրագրի շրջանակներում, մրցութային կարգով և համայնքապատկան մարզադպրոցներից ստացված պահանջագրերի հիման վրա: Երևան քաղաքի 2025 թվականի «Արտադպրոցական կազմակերպությունների համար անհրաժեշտ գույքի ձեռքբերում» ծրագրի իրականացման արդյունքում ձեռք է բերվել 39 անուն 1323 մարզագույք, որոնց ընդհանուր հաշվեկշռային արժեքը կազմում է 21.974.565,20 (քսանմեկ միլիոն ինը հարյուր յոթանասունչորս հազար հինգ հարյուր վաթսունհինգ դրամ քսան լումա) ՀՀ դրամ:

Ելնելով վերոգրյալից՝ առաջարկվում է ընդունել «Գույքը սեփականության իրավունքով օտարելու մասին» Երևան քաղաքի ավագանու որոշման նախագիծը:

ԵՐԵՎԱՆԻ ՔԱՂԱՔԱՊԵՏ՝

ՏԻԳՐԱՆ ԱՎԻՆՅԱՆ